

वृ॒क्ष ए॒षामिन्द्रि॒यं वी॒र्यम् । अ॒ष्ट ए॒षां भव॑ति । व॒र्षवृ॒-
 द्धम॑सि॒ प्र॒ति॒त्वा व॒र्षवृ॒द्धं वे॒त्वित्या॑ह । व॒र्षवृ॒द्धा वा अ॒ष-
 ध॑यः । व॒र्षवृ॒द्धा इ॒षीकाः॑ स॒मृ॒ध्यै । य॒ज्ञः र॒क्षाः स्य॑नु॒प्रा-
 वि॑शन् । तान्य॒स्ना प॒शुभ्यो॑ नि॒रवा॑दयन्त । तुषै॒रोष॑धी-
 भ्यः । प॒रापू॒तः र॒क्षः प॒रापू॒ता अ॒रात॑य इत्या॑ह । र॒क्ष-
 सा॒मप॑हत्यै ॥ १० ॥

र॒क्षसां॑ भा॒गोऽसी॑त्याह । तुषै॒रेव॑ र॒क्षाः सि॑ नि॒रव॑-
 दय॑ते । अ॒प उप॑स्पृ॒शति॑ मे॒ध्यत्वा॑य । वा॒युर्वै वि॒विन॑-
 क्ति॑त्याह । प॒वित्रं॑ वै वा॒युः । पु॒नात्ये॒वैना॑न् । अ॒न्तरि॑-
 क्षा॒दिव॑ वा ए॒ते प्र॑स्क॒न्दन्ति॑ । ये शू॒र्पात् । दे॒वो वः॑ सवि॒-
 ता हि॒रण्य॑पाणिः प्र॒तिगृ॑ह्णा॒त्वित्या॑ह प्र॒तिष्ठि॑त्यै । ह॒-
 वि॒षोऽस्क॑न्दाय ॥ त्रि॒ष्फली॑कर्त्त॒वा आ॑ह । त्वावृ॒द्धि
 य॒ज्ञः । अ॒थो मे॒ध्यत्वा॑य ॥ ११ ॥

द्वाभ्यामु॒त्पु॒नाति॑ र॒क्षयो॑ नय॒न्त्यग्रे॑ य॒ज्ञप॑तिं य॒ज्ञो-
 ऽदि॑ति॒रस्क॑न्दाय गृह्णामीत्या॑ह व॒देत्या॑ह विजित्या॒ अप॑-
 हत्या॒ अस्क॑न्दाय ची॒णि च ॥ अनु० ५ ॥

षष्ठोऽनुवाकः ।

अ॒वधू॑तः र॒क्षोऽव॑धू॒ता अ॒रात॑य इत्या॑ह । र॒क्षसा॑म-
 प॑हत्यै । अ॒दि॒त्यास्त्व॑गसीत्या॑ह । इ॒यं वा॒ अदि॑तिः ।